

ՀՐԵՂԵՆ ՊԱՐԻՍՊ

ԲԱՆԱԼԻ ՀԱՄԱՐ. ԶԱՔԱՐԻԱ 2.1-5

1 Եվ ես աչքերս վեր բարձրացրի և ահա մի մարդ տեսա՝ ձեռքին չափալար: **2** Եվ ասացի. Դու ո՞ր ես գնում: Եվ նա ինձ ասաց. Երուսաղեմը չափելու, որ տեսնեմ, թե որքան է լայնությունը, և որքան՝ երկարությունը: **3** Եվ ահա ինձ հետ խոսող հրեշտակը դուրս եկավ, և մի ուրիշ հրեշտակ դուրս եկավ նրան ընդառաջ: **4** Եվ նա ասաց. Վազի՛ր և ասա՛ այս երիտասարդին. Երուսաղեմն իր մեջ եղած մարդկանց և անասունների շատության պատճառով առանց պարսպի պիտի բնակեցվի: **5** Եվ ես նրա համար **շուրջ բոլորը հրեղեն պարիսպ պիտի լինեմ**, ասում է Տերը, և նրա մեջ փառք պիտի լինեմ:

ՏԻՐՈՋ ՏԵՍԻԼՔԸ ՀՐԵՂԵՆ ՊԱՐԻՍՊԻ ՄԱՍԻՆ

Զաքարիան տեսնում է մի տեսիլք այն օրերին, երբ Երուսաղեմի պարիսպները քանդուած էին, քաղաքը անպաշտպան էր, ժողովուրդը վախեցած: Սակայն հենց այդ խառնաշփոթի ու տկարության մէջ Աստուած ասում է.

5 Եվ ես նրա համար **շուրջբոլորը հրեղեն պարիսպ պիտի լինեմ**:

Ո՛չ քարից, ո՛չ երկաթից, այլ՝ **կրակով կառուցուած պարիսպ**:

Այս խոստումը բացահայտում է երեք հրաշալի իրականություն մեր կյանքի մեջ այսօր՝

1. Աստծո ներկայությունը,
2. Աստծո պաշտպանությունը,
3. Աստծո փառքը մեր մէջ:

ՀՐԵՂԵՆ ՊԱՐԻՍՊԸ – ԱՍՏԾՈՆ ԵՐԿԱՅՈՒԹՅՈՒՆԸ

Ամբողջ Սուրբ Գրքի ընթացքում **կրակը խորհրդանշում է Աստծո կենդանի և գործնական ներկայությունը**:

Ել. 13.21-22 - **21** Տերը գնում էր նրանց առջևից՝ ցերեկը ամպի սյունով ճանապարհ ցույց տալու նրանց, իսկ գիշերը՝ կրակի սյունով, որ նրանց լույս տա, որպեսզի գիշեր-ցերեկ գնան: **22** Ցերեկն ամպի սյունը, իսկ գիշերը կրակի սյունը ժողովրդի առջևից չպակասեցրեց:

Կրակի սյունը Աստծո կենդանի ներկայության տեսանելի նշանն էր:

Այսօր նույն այդ կրակը Սուրբ Յոզու միջոցով բնակվում է հավատացյալի սրտում:

Գործք 2.3-4 – Եվ նրանց երևացին բաժանված հրե լեզուներ, որոնք նստեցին նրանցից յուրաքանչյուրի վրա:

Այժմ այդ կրակը քո ներսում է՝ քեզ առաջնորդելու, մխիթարելու և զորացնելու համար:

ՅՐԵՂԵՆ ՊԱՐԻՍՊԸ – ԱՍՏԾՈ ՊԱՇՏՊԱՆՈՒԹՅՈՒՆԸ

1. Կրակը որպես պաշտպանիչ պատնեշ

Ելից 14.9 – Եգիպտացիները նրանց հետևից ընկան: Փարավոնի բոլոր ձիերը, կառքերը, նրա ձիավորներն ու զորքերը հասան և գտան նրանց բանակատեղ դրած ծովի մոտ...:

Ելից 14.19 – Աստծու հրեշտակը, որ գնում էր Իսրայելի բանակի առջևից, ելավ ու գնաց նրանց ետևից. ամպի սյունն էլ ելավ նրանց առջևից և կանգնեց նրանց ետևում.

Նույն Աստծո ներկայությունը, որը քեզ պաշտպանում է, **խափանում է թշնամուն:**

Երբ դու շրջապատված ես Աստծո կրակով, ոչ մի զենք չի կարող վնասել քեզ:

Եսայի 54.17 – Ամեն մի զենք, որ շինված է քո դեմ, հաջողություն չպիտի ունենա, և ամեն լեզու, որ դատաստանի է ելնելու քո դեմ, պիտի դատապարտվի:

Դևերը չեն կարող անցնել Աստծո կրակի սահմանը:

Քո շուրջը կա անտեսանելի պատներ՝ կենդանի Աստծո ներկայությամբ:
որովհետև մեր Աստվածը ոչնչացնող կրակ է (Եբր. 12.29):

2. Կրակը՝ Փորձութեան Մեջ

Դանիել 3.23-27-ը պատմում է Սեդրաքի, Միսաքի և Աբեդնագովի մասին:

Դան. 3.23 - Եւ այս երեք մարդիկը՝ կապուած ընկան կրակով բորբոքուած հնոցի մէջ:

26 Այն ժամանակ Սեդրաքը, Միսաքը եւ Աբեդնագովը դուրս եկան կրակի միջից: **27** ... նորանց մարմնի վրա կրակը չէր տիրել եւ նորանց գլխի մազը չէր այրուել եւ նորանց անդրավարտիքները չէին փոխուել, եւ կրակի հոտն էլ չկար նորանց վրա:

Հալեցնող կրակը քեզ չի այրի, այլ կմաքրի:

ՀՐԵՂԵՆ ՊԱՐԻՍՊԸ - ԱՍՏԾՈ ՓԱՌՔԸ ՄԵՐ ՆԵՐՍՈՒՄ:

5 Եվ ես նրա համար շուրջբոլորը հրեղեն պարիսպ պիտի լինեմ, ասում է Տերը, և նրա մեջ փառք պիտի լինեմ:

Աստուած ոչ միայն պաշտպանում է քեզ՝ դրսից, այլ նաև **լցնում է քեզ՝ ներսից:**

ՓԱՌՔԸ՝ ՏԱՃԱՐԻ ՄԵՋ

Ելից 40 - **34** Եվ մի ամպ ծածկեց ժողովի վրանը, և վրանը լցվեց Տիրոջ փառքով: **35** Մովսեսը չէր կարողանում մտնել ժողովի վրանը, որովհետև ամպը ծածկել էր այն, և Տիրոջ փառքը լցրել էր խորանը: **38** Որովհետև Տիրոջ ամպը ցերեկը վրանի վրա էր լինում, իսկ գիշերը դրա վրա կրակ էր լինում Իսրայելի ամբողջ ժողովրդի առաջ՝ նրանց բոլոր ճամփորդությունների ընթացքում:

- Այդ նույն փառքը այսօր լցված է հավատացյալի սրտում:

Բ Կոր. 4.6 – Որովհետև Աստված, որ ասաց, թե խավարից թող լույս ծագի, հենց ինքը մեր սրտերի մեջ ծագեց՝ Աստծու փառքի գիտության լույսը տալու, որ ճառագում է Հիսուս Քրիստոսի դեմքից:

Այդ կրակը փոխում է մեզ, սրբացնում և դարձնում Աստծո փառքի արտացոլում:

ԵԿԵՂԵՑԻՆ՝ ԱՌԱՆՑ ՊԱՐԻՍՊՆԵՐԻ ՔԱՂԱՔ

4 Եվ նա ասաց. Երուսաղեմն իր մեջ եղած մարդկանց և անասունների շատության պատճառով առանց պարսպի պիտի բնակեցվի:

Այսօրվա եկեղեցին ֆիզիկական պատեր չունի, այլ ունի հոգևոր պարիսպ՝ Սուրբ Հոգու կրակը:

Նույն կրակի սյունը, որը առաջնորդեց Իսրայելին, այսօր առաջնորդում է Քրիստոսի եկեղեցին:

Նույն կրակը, որը պաշտպանեց նրանց Փարաունից, այսօր պաշտպանում է քեզ մեղքի և խավարի ուժերից:

Բարձրացրո՛ւ ձեռքերդ եւ աղաղակիր հավատքով՝

«Տե՛ր, եղի՛ր իմ Հրեղեն Պարիսպը: Շրջապատի՛ր ինձ, պաշտպանի՛ր և լցրո՛ւ ինձ Քո փառքով»:

1. **Պահիր կրակը վառ** – Ջանասիրության մեջ մի՛ ծուլացեք, հոգով ջերմեռանդ եղեք, Տիրոջը ծառայեք:(Հռոմ. 12.11):
2. **Քայլիր սրբությամբ** – Հալեցնողի կրակը մաքրում է (Մաղաքիա 3.2-3):

ԻՆՉ Է ԱՍՈՒՍ ՍՈՒՐԲ ՀՈԳԻՆ ՔԵՉ ԱՅՍ ՊԱՏԳԱՄԻ ՄԻՋՈՑՈՎ